

KJKP „Vodovod i kanalizacija „, d.o.o. Sarajevo

**PRAVILNIK
O USLOVIMA I NAČINU FORMIRANJA CIJENA USLUGA
KJKP „VODOVOD I KANALIZACIJA“ d.o.o. SARAJEVO**

Sarajevo, juna 2017. godine

Na osnovu člana 2. stav 3. Zakona o kontroli cijena („Službene novine FBiH“, br. 2/95 i 70/08), člana 33. stav 1. tačka 21. Statuta KJKP “Vodovod i kanalizacija” d.o.o. Sarajevo, Nadzorni odbor KJKP “Vodovod i kanalizacija” d.o.o. Sarajevo, je na prijedlog Uprave preduzeća, na **18. sjednici** održanoj dana **09.06.2017.** godine, d o n i o :

PRAVILNIK

o uslovima i načinu formiranja cijena usluga

I- OPŠTE ODREDBE

Član 1.

Ovim Pravilnikom se uređuju uslovi i način formiranja cijena usluga koje KJKP “Vodovod i kanalizacija” (u daljnjem tekstu Preduzeće) pruža fizičkim i pravnim licima, osim za cijenu vode i odvođenja otpadnih voda.

Član 2.

Cijene se formiraju slobodno, prema uslovima tržišta.
Pri formiranju cijena usluga neće se vršiti dogovor sa drugim pravnim i fizičkim licima niti će se druga pravna i fizička lica dovoditi u neravnopravan položaj.

Član 3.

Cijene usluga koje su predmet prodaje, formiraju se na način i po postupku utvrđenim ovim Pravilnikom.

II-FORMIRANJE CIJENA USLUGA

Član 4.

Cjenovnik usluga se izrađuje na osnovu kalkulacije svih pojedinačnih cijena. Kalkulacija cijena i Cjenovnik usluga su akti koji se donose u skladu sa ovim Pravilnikom.

Član 5.

Uprava Preduzeća na prijedlog Komisije zadužene za izradu cijena usluga Preduzeća, koju imenuje direktor preduzeća, utvrđuje prijedlog cijena svih usluga (osim za cijenu vode i odvođenja otpadnih voda) koje Preduzeće pruža fizičkim i pravnim licima.

Nadzorni odbor Preduzeća utvrđuje Cjenovnik usluga, na osnovu prijedloga Uprave iz stava 1. ovog člana.

Član 6.

Cijene se utvrđuju u valuti BiH (BAM) i iskazuju se bez PDV-a, uz napomenu da PDV nije uključen u cijenu usluge.

Član 7.

U cijenu usluga uključeni su svi direktni i indirektni troškovi koji nastaju prilikom obavljanja iste, a iskazani su u kalkulaciji cijena za svaku pojedinačnu uslugu.

Član 8.

Cijena usluga ima sljedeću strukturu:

- a) troškovi rada i drugih troškova osoblja koje je direktno angažovano na pružanju usluga;
- b) troškovi nadzornog osoblja;
- c) režijski troškovi;
- d) ostali troškovi direktno vezani za pružanje usluga;
- e) direktni i indirektni materijalni troškovi;
- f) uslužna marža.

Član 9.

Cijene usluga se formiraju na način da se saberu direktni i indirektni troškovi na osnovu kojih se izrađuje konačna kalkulacija cijena usluge.

III-IZMJENA CIJENA

Član 10.

Već formirane i utvrđene cijene usluga se redovno analiziraju od strane Komisije zadužene za izradu cijena usluga i podložne su promjenama u zavisnosti od rezultata analize sa aspekta kretanja cijena na tržištu i uticaja cijena na obim obavljenih usluga.

Preduzeće zadržava pravo izmjene cijena u skladu sa relevantnim pozitivnim propisima.

Izmjene cijena kao i datum primjene izmjena cijena utvrđuje se Odlukom o izmjenama i dopunama cjenovnika koju donosi Nadzorni odbor na prijedlog Uprave Preduzeća.

IV OSTALE ODREDBE

Član 11.

Odgovorno lice je dužno da istakne Cjenovnik usluga na vidnom i dostupnom mjestu korisnicima usluga.

Član 12.

Prilikom naplate obavljenih usluga odgovorno lice je dužno pridržavati se cijena utvrđenih u Cjenovniku.

Ako se odgovorno lice ne pridržava istaknutih i utvrđenih cijena, snosi odgovornost za eventualnu materijalnu štetu prouzrokovanu takvim ponašanjem.

Član 13.

Uprava Preduzeća je dužna obezbijediti kontrolu primjene ovog Pravilnika i Cjenovnika.

Član 14.

Na sve što u pogledu formiranja cijena usluga, nije regulisano ovim Pravilnikom, primjenjuju se odredbe Zakona o trgovini, Zakona o obligacionim odnosima, Zakona o kontroli cijena, Zakona o porezu na dodanu vrijednost, te drugih zakonskih i pratećih propisa.

Član 15.

Ovaj Pravilnik stupa na snagu i primjenjuje se danom donošenja od strane Nadzornog odbora preduzeća.

Broj:18-05/17

Sarajevo, 09.06.2017. godine

Predsjednik Nadzornog odbora

Tajib Delalić, dipl. oec.